

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
KANTONALNO TUŽILAŠTVO  
ZENIČKO – DOBOJSKOG KANTONA

Broj: T04 0 KT 0058725 24  
Zenica, 04.10.2024. godine

OPĆINSKOM SUDU U TEŠNJU  
Sudiji za prethodno saslušanje

Na osnovu člana 45. stav 2. tačka h) i i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

B. F., neosuđivan

što je,

dana 29.05.2024. godine, oko 09,00 sati, ispred svoje porodične kuće, u mjestu...općina Tešanj, a nakon što su ga službenici sudske policije u Tešnju došli obavijestiti da će se dana 30.05.2024. godine u 11,00 sati održati ročište radi uređenja međe koje se vodi pred Općinskim sudom u Tešnju pod brojem ... između B. F. i njegove majke B. Z. i dr., s namjerom da spriječi službenu osobu u obavljanju službene radnje održavanje ročišta radi uređenja međe, uputio ozbiljne prijetnje da će upotrijebiti silu da spriječi službenu osobu u vršenju njene službene radnje, tako što je službenicima sudske policije rekao da neće sjediti skrštenih ruku i da neće dozvoliti nikome da ulazi u njegov posjed, te više puta glasno i jasno ponovio: „Ako sutra dođete i među vama bude sudija, on je moja meta, dobro neka znate. Trebat će mi samo tri sekunde. Ne, ni toliko, jedna sekunda“, a koje prijetnje su službenici sudske policije konstatovali u Službenoj zabilješci Centra sudske policije u ZDK broj ... od 29.05.2024. godine, koja je dostavljena stručnom saradniku H. A. koji upravlja navedenim postupkom, nakon čega je ročište pred Sudom zakazano za dan 30.05.2024. godine odgođeno, a što je i htio,

dakle, ozbiljnom prijetnjom da će izravno upotrijebiti silu spriječio službenu osobu pri obavljanju službene radnje,

čime je počinio krivično djelo „Sprečavanje službene osobe u vršenju službene radnje“ iz člana 358. stav 1. KZ F BiH.